

Служба преподобному Варнаве, Ветлужскому чудотворцу (24 июня н.ст.)

Вечер, на Господи воззвах, стихирь, глас 8.

Преподобен и честен светильник Божественный и светоносный,/ под спудом житийския толстоты никогдаже скрывается:/ но на версе полагает его высоких чудес человеколюбец./ Того молитвами, Христэ,// даруй людям твоим велию милость.

На рало возложил еси, всечестне, делание рук твоих,/ делая всегда Божественная,/ и не возвратился еси зря вспять:/ но был еси управлен во Царствие Христа воплощагося Бога,// во спасение душ наших.

В лодий телесней возимь,/ короткими дыхании короткаго духа,/ легко прешел еси житийскую пучину, мудре:/ и на бисере многоценнем твоя имения продав,/ и обрет его в себе удержал еси,// блажен быв Божественными добротами его.

Слава, глас 6:

Еже по образу соблюл невредимо,/ ум Владыку на страсти пагубныя постнически поставив,/ во еже по подобию яко мощно возшел еси:/ мужески во естество понудив,/ потщался еси худшее покорити лучшему,/ и плоть поработити духу./ Темже монашествующих явился еси наставник,/ житель пустынный,/ благотекущих обучитель,/ правило добродетели известнейшее:/ и ныне на небесех зеркалом разрешшымся отче наш Варнаво,/ чисте зриши святую Троицу,// моляся несредственно о иже верою и любовью чтущих тя.

Богородичен: воскресный: Кто тебе не ублажит:

Вход. Прокимен дне.

Премудрости Соломони чтение. [Глава 3.]

Праведных души в руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ, и еже отъ насъ шествіе — сокрушеніе, онѣ же суть въ мирѣ. Ибо предъ лицемъ человѣческимъ, аще и муку приимуть, упованіе ихъ

безсмертія исполнено. И вма́лѣ наказани бывше, великими благодѣтельствовани будутъ, яко Богъ искуси́ я и обрѣте́ ихъ досто́йны Себѣ́. Яко злато въ горни́лѣ, искуси́ ихъ и, яко всепло́діе жѣртвенное, прія́тъ я. И во вре́мя посѣще́нія ихъ, возсія́ють, и яко іскры по сте́блю, потеку́тъ. Судя́тъ языкомъ и облада́ють людьми́, и воцари́тся Госпо́дь въ нихъ во вѣ́ки. Надѣ́ющіися На́нь разумѣ́ють істину и вѣ́рніи въ любви́ пребу́дутъ Ему́, яко благода́ть и ми́лость въ преподо́бныхъ Его́ и посѣще́ніе во избра́нныхъ Его́.

Премудрости Соломо́ни чтѣніе. [Глава́ 5 и 6.]

Праведни́цы во вѣ́ки живу́тъ, и въ Го́сподѣ́ мзда́ ихъ, и попече́ніе ихъ у Вы́шняго. Сего́ ра́ди при́мутъ ца́рствіе благолѣ́пія и вѣ́нецъ добро́ты отъ руки́ Госпо́дни, зане́ десни́цею покры́етъ я́ и мы́щцею защити́тъ ихъ. При́метъ всеору́жіе — рве́ніе своѣ́е и воору́житъ тва́рь въ ме́сть враго́мъ. Облече́тся въ броня́ правды́ и возложи́тъ шле́мъ — су́дь нелицемѣ́ренъ. При́метъ щитъ́ непобѣ́димый — преподо́біе, поостри́тъ же напрасны́й гнѣ́въ — во ору́жіе, спобо́ретъ же съ ни́мъ ми́ръ на безу́мныя. По́йдутъ праволу́чныя стрѣ́лы мо́лниины и, яко́ отъ благокру́гла лу́ка облако́въ, на намѣ́реніе полетя́тъ, и отъ каменомѣ́тныя я́рости исполнь паду́тъ гра́ды. Вознегоду́етъ на нихъ вода́ морская́, рѣ́ки же пото́пятъ я́ на́гло. Сопроти́въ ста́нетъ имъ ду́хъ си́лы и, яко́ вихорь, развѣ́етъ ихъ, и опустоши́тъ всю́ зѣмлю́ беззаконі́е, и злодѣ́йство преврати́тъ престолы́ си́льных. Слы́шите у́бо, ца́ріе, и разумѣ́йте, навѣ́кните, суди́и концевъ́ земли́. Внуши́те держа́щии мно́жества́ и гордя́щіися о наро́дѣхъ язы́ковъ, яко́ дана́ е́сть отъ Го́спода держа́ва ва́мъ и си́ла отъ Вы́шняго.

Премудрости Соломо́ни чтѣніе. [Глава́ 4.]

Праведни́къ, а́ще пости́гнетъ сконча́тися, въ поко́и бу́детъ. Ста́рость бо́ честна́ не многолѣ́тна, ниже́ въ числѣ́ лѣ́тъ исчита́ется. Сѣ́діна́ же е́сть му́дрость челове́комъ, и во́зраст ста́рости — житі́е нескве́рное. Благоуго́день Бо́гови бывъ́, возлю́бленъ бы́сть, и живы́й посре́дѣ грѣ́шникъ, преста́вленъ бы́сть. Восхище́нъ бы́сть, да не зло́ба измѣ́нитъ ра́зума его́́ или́ ле́сть прельсти́тъ ду́шу его́́. Раче́ніе бо́ зло́бы помрача́етъ до́брая́ и паре́ніе по́хоти, премѣ́няетъ у́мъ незло́бивъ. Сконча́вся вма́лѣ, исполни́ лѣ́та до́лга, уго́дна бо́ бѣ́ Господеви́ ду́ша его́́, сего́ ра́ди потща́ся отъ сре́ды лука́вствія́. Люді́е же ви́дѣвъше́ и не разумѣ́въше, ниже́ поло́жше

въ помышлѣніи таковѣ, яко благодать и мѣлость въ преподѣбныхъ Егѡ и посѣщѣніе во избранныхъ Егѡ.

На стихѡвне стихѣры, глас 1.

Наста Богонѡсе, / сѡлнца светлѣйший твоѣй прѣздник, / озарѣетъ приходящія к Тебѣ вѣроу, / и безсмѣртием облагоухаетъ, / и душамъ источаетъ исцелѣнія, / Варнаво преподѣбне, молитвенниче о душахъ нашихъ.

Стих: Честна предъ Господемъ смѣрть преподѣбныхъ Егѡ.

Чувственныя страсти телесныя, / победѣвъ воздержанія броздами, / чудодѣйственниче Варнаво, / и ревности безплѣтныхъ на земли показавъ, / вся плотская желанія дѣху повинулъ еси: / тѣмъ нынѣ в небесныхъ селѣніихъ водворяяся, / моли о душахъ нашихъ.

Стих: Блаженъ мужъ бояйся Господа, в заповѣдехъ Егѡ восхощетъ зело.

Блаженне Варнаво, / основаніе положивъ добродѣтели, / древняго челоуѣка совлѣкся еси с похотѣмъ, / и во Христа облѣкся воистинну: / тѣмъ и обличилъ еси, преподѣбне, многая вражія ополчѣнія, / наставникъ монаховъ бывъ, / моли спастися душамъ нашимъ.

Слава, глас 8:

Монаховъ множества, наставника тя почитаемъ, ѡтче нашъ Варнаво: твоѣю бо стезѣю воистинну право ходити познахомъ: блаженъ еси Христу рабѡтавъ, и вражію обличилъ еси силу, ангеловъ собесѣдниче, преподѣбныхъ сопрічастниче и праведныхъ, с нимиже молися Господевѣ, помѣловатися душамъ нашимъ.

И нынѣ, Богородичен: воскресный: Безневѣстная Дѣво:

Тропарь, глас 1:

Желаніемъ духовнымъ распалився/ и мятѣжи мирскія отрѣнувъ,/ к Богу любовь прилѣжно присовокупися./ И Того вседѣшнѣ взыскавъ, во внутреннюю пустыню отшелъ еси,/ при водахъ вселѣся,/ идеже во слезахъ и трудѣхъ пребывая многолѣтнее время,/ в терпѣніихъ многихъ житіе ангельское проходилъ еси/ в наставленіи Божественнаго

ра́зума/ и мно́жество мона́хов собра́л еси́, му́дре,/ ихже, посеща́я не оста́ви,/ Варна́во преподо́бне, о́тче наш,/ Пресвяте́й Трои́це моля́ся,// от зол вся́ческих изба́вити и спасти́ ду́ши на́ша.

Сла́ва, и ны́не, Богоро́дичен

На у́трени, на Бо́г Госпо́дь, тропа́рь то́йже.

По 1-м стихосло́вии седа́лен, гла́с 4:

Зва́нию Го́спода твоего́ после́довал еси́, ми́р отве́рг и вся́ яже в ми́ре кра́сная, всеблаже́нне Варнаво, претерпе́л еси́ пусты́нное озлобле́ние усер́дно, полки́ же отрази́л еси́ де́монов му́жественне. Те́мже твою́ и па́мять при́сно пе́сньми восхваля́ем ве́рно. [Два́жды.]

Сла́ва, и ны́не, Богоро́дичен:

Обнови́ла еси́ чи́стая, Божество́нным рождество́м Твои́м истле́вшее страстьми́ земноро́дных ме́ртвенное существо́: и воздви́гла еси́ вся́ от сме́рти к жи́зни нетле́ния. Те́мже Тя́ по до́лгу блажи́м вси́, Де́во препросла́вленная, я́коже прорекла́ еси́.

По 2-м стихосло́вии седа́лен, гла́с 5:

По́стника Госпо́дня пе́сньми почти́м, я́ко умертви́вша вся́ прило́ги страсте́й, воздержа́нием и тве́рым терпе́нием вои́стинну, и посрами́вша зело́ противоборца́ врага́, и всю́ сего́ горды́ню, и ны́не моля́щая Го́сподеви, поми́ловатися душа́м на́шим. [Два́жды.]

Сла́ва, и ны́не, Богоро́дичен:

Ужа́сно чу́до зача́тия, и несказа́нен о́браз рождества́ в Тебе́ позна́ся, Присноде́во чи́стая, ужа́сает мо́й у́м, и удиви́лет помышле́ние, сла́ва Твоя́ Богоро́дице во все́х простре́ся, ко спасе́нию ду́ш на́ших.

По Хвали́те и́мя Госпо́дне:

Ублажа́ем тя́ преподо́бне о́тче наш Варнаво, и чте́м святую́ па́мять твою́, наста́вниче мона́хов, и собесе́дниче а́нгелов.

Псалом избра́нный: Терпя́ потерпе́х Го́спода:

По полиелѣи седален, глас 1.

Погрѣбл еси страстей все востание умерщвлѣнием плоти, священный отче, жизнь безконечную по смерти приял еси: темже днесь Христова церковь празднует твою досточудную память, преподобных украшение. [Дважды.]

Слава, и ныне, Богородичен:

Настави ны на путь покаяния, уклоняющыя присно к злым безпутем, и преблагаго прогневающыя Господа, неискусобрачная Благословенная Маріе, прибежище отчаянных человеков, Божие обиталище.

Степенна, 1-й антифон 4-го гласа.

Прокимен: Честна пред Господом смерть преподобных Его.

Стих: Что воздам Господеву о всех, яже воздаде ми?

Всякое дыхание:

Евангелие преподобническое:

По 50-м псалме стихира, глас 6:

Преподобне отче, во всю землю изыде вещание исправлений твоих: темже на небесех обрел еси мзду трудов твоих, демонская разорил еси полчища, и ангельския достигл еси чины, ихже житию непорочно поревновал еси. Дерзновение имея ко Христу Богу, мир испроси душам нашим.

Канон, глас 8.

Песнь 1.

Ирмос: Воду прошед яко сушу, и египетскаго зла избежав, Израильтянин вопияше: избавителю и Богу нашему поим.

Благими нравы украсився, Христу прилепился еси от юности, плотскія страсти умертвив воздержанием, и к животу преподобне преставился еси.

Глаголов и законов Божиих исполнитель быв, исполнился еси, отче премудре, Божественных даров и чудес, и всем лучы богато испустил еси.

Крепостию Христа возмог, державу низложил еси, и силу вражию, и похвалу победную почести приял еси преподобне, чудесными сиянии.

Совесть имел еси благу, и око сердечное взирающее к Богу: темже внят молитве твоей премудре, с преподобными счита тя.

Богородичен: Страсти плоти моея, и ума моего движания неподобная утоли, молю Тя пречистая Дево, и исправи мя заблуждшаго умом.

Песнь 3.

Ирмос: Ты еси утверждение притекающих к Тебе, Господи, Ты еси свет омраченных, и поет Тя дух мой.

Весь прилежа Вседержителю, преподобне отче премудре, вся бесовския злобы избегл еси.

Высотой смирения украшаемь, свергл еси на землю велехвальнаго, изрядными делы твоими.

Плотию обложен отче премудре, смирил еси превзятую выю нечестиваго, смирением словес твоих.

Имея поспешествующую тебе Божию силу премудре, яко чуден, чудеса источаеши, и отгониши недуги.

Богородичен: В ложесна Твоя воплощаемь Всенепорочная, вселися Зиждитель, на благодеяние верно поющим Тя.

Седален, глас 4.

Страстное покорил еси плотское мудрование, и горшая поработив лучшему, отче Варнаво, преславне сокрушил еси бесовския козни постом, и возсиял еси в мире яко луча солнечная, сиянии твоих добродетелей: сего ради тя воспеваем.

Слава, и ныне, Богородичен:

Стенá непобедíмая нáм Христíаном есí Богорóдице Дéво, к Тебé бо прибега́юще невредíми пребывáем: и пáки согрешáюще íмамы Тя моли́твенницу. Тéм благодаря́ще вопи́ем Тí: рáдуйся благодáтная, Госпóдь с Тобóю.

Пёснь 4.

Ирмós: Услы́шах, Гóсподи, смотре́ния Твоегó та́инство, разуме́х дела́ Твоя́, и просла́вих Твоё Божество́.

Содéяв пресла́вне ду́шу твою́ хра́м Свято́му Ду́ху, бы́л есí наслéдник го́рняго Цáрствия, с вы́шними си́лами.

Многоболéзненные стра́сти всегда́ врачúеши приступа́ющих к тебе́: благодáть бо преподо́бне при́йм от Гóспода, содева́ти зна́мения и чудеса́.

Красне́йшим прозябéнием óтче, в домо́у Бóжии прозя́бл есí. Добродéтелями укра́шен, и плоды́ чудéсными облагоухáемь.

Богорóдичен: Нíва духóвная, я́коже из бразды́ клáс изнесла́ есí, всю́ тва́рь пита́ющего, вся́ческих Бóга, Приснодéво.

Пёснь 5.

Ирмós: У́треннююще вопи́ем Тí, Гóсподи, спасí ны: Ты́ бо есí Бóг наш, раз́ве Тебé ино́го не ве́мы.

Умо́м очищё́нным, пресла́вне, зрíши добрóту неизрече́нную Христá, вся́ческих Бóга нáшего.

Я́коже Илиá на колесни́це óтче, добродéтелями тво́ими возше́л есí на не́бо, Ду́хом облегчева́емь.

Стягну́в те́ло твоё́ воздержáнием и чистото́ю, в вы́шняя селéния, к широте́ óтче дости́гл есí.

Богорóдичен: Исцели́ недúгующаго ума́ моего́ омраче́ние, врача́ рóждшая Христá всенепорóчная Влады́чице.

Пёснь 6.

Ирмós: Молíтву пролиó ко Гóсподу, и Томú возвещú печáли моя, я́ко зóл душá моя испóлнися, и живóт мо́й áду прибли́жися, и молю́ся я́ко Ио́на: от тли́ Бóже возведи́ мя.

Лука́вый умертви́ся зми́й свяще́нными тво́ими моли́твами Богоблаже́нне, и от того́ разрешáются злóбы, и́же зна́мения от Тебе́ испроси́вшии. Еси́ бо уго́дник Бóжий всесвётел, познáн был еси́ верен.

Обнови́в приле́жным рáлом дúшу твою́, свяще́нный óтче, добродéтельная в ню́ ввергл еси́ премúдренно многоплóдная се́мена: и пожáл еси́ многоразли́чных исцелéний богáтыя клáсы.

Крёпостию дúха óтче возмóг, держáву вра́жию и сíлу низложи́л еси́: и похвалú побéдную пóчести при́ял еси́ преподо́бне, чудéсными сия́нии.

Богорóдичен: Господь с Тобо́ю Пречи́стая, я́коже изво́лил ёсть, б́ыв О́трокови́це, всéх нáс от óбласти льсти́ваго ходáтайством Тво́им избáвил ёсть: тёмже Тя ны́не по до́лгу рóдове родóв ублажа́ем.

Кондак, глас 8:

От юности, преподо́бне, плоть твою́ в постéх и моли́твах истончи́л еси́/ и, крест твой взем, усéрдно послéдовал еси́ Христú,/ тёмже и к Вы́шним течéние рáдостно соверши́л еси́,/ иде́же со все́ми святы́ми предсто́иши./ И ны́не ста́до твоё посещáй, помина́я чтúщих всесвяту́ю па́мять твою́,/ да вси благодарственно вопи́ем ти:// рáдуйся, Богомúдре Варна́во, наста́вниче пусты́нный.

И́кос: Возлюбíв преподо́бне Христóвы Божéственныя за́поведи, и возненави́дев ми́ра сего́ наслажде́ние, пришёл еси́ усéрдно к томú, и б́ыл еси́ свети́льник просвещáя концы́ блиста́нием духо́вным: тём припа́дая молю́ тя: просвети́ мой óчи душе́внии, воспéти тво́я подвиги, пощéние, и бде́ние, и слéзы, болéзни и изможде́ние те́ла, блаже́нныя рáди б́дущия жи́зни, ея́же ны́не наслажда́ешия. Моли́ непреста́нно о всéх нáс.

Пѣснь 7.

Ирмос: От Иудѣи дошѣдше ѡтроцы, в Вавилоне иногда, вѣроу Трѡическою пламень пѣщный попраша, поюще: отцѣв Бѡже благословѣн еси.

Прошѣд подвиги постныя ѡтче, умом крѣпким ум прегордый Божественным смирѣнием смирил еси, поя: благословѣн Бѡг отецъ нашихъ.

Краснѣйшее прозябѣние ѡтче, в домѣ Бѡжии прозябл еси, добродѣтелями украшен, и плоды чудесными облагоухал еси.

Просветивъ твоѣ сѣрдце, начальникъ былъ еси священнаго собора ѡтца, наказуя и учя, и вся приводя к Бѡжией воли, поя: отецъ нашихъ Бѡже, благословѣн еси.

Богородичен: Нѡво отроча рѡждши Пребезначальнаго Слѡва, обетшавшыя ны грехомъ, обновила еси Дѣво, и пѣти укрѣпила еси: отецъ нашихъ Бѡже, благословѣн еси.

Пѣснь 8.

Ирмос: Богоглаголивии ѡтроцы в пещи, со огнемъ пламень попирающе пояху: благословите дела Господня Господа.

Наслѣднике Божественныхъ селѣний, ангельски ѡтче, пожил еси: темъ со ангелы ликуетъ дѹхъ твой.

Невозвратно шѣствовавъ ѡтче премѹдре и досточѹдне, ведѹщими къ небесѣ Божественными стезя́ми, от злѣ ведѹщихъ до конца уклонился еси.

Всѣльшеюся благодатию в дѹшу твою ѡтче, лукавно живѹщии в челоуѣцехъ нечисти дѹси отгоними бывають.

Богородичен: Вода еси неизчерпаемая Дѣво, от неяже вси пиюще благодати исполняемся, дѹшею и тѣломъ освящаѣми.

Пѣснь 9.

Ирмос: Устрашися всякъ слѹхъ неизреченна Бѡжия низхождѣния, яко вышній волею сниде да́же и до плѡти, от девическаго чрева бывъ челоуѣкъ: темъже Пречистую Богородицу вѣрнии величаѣмъ.

Исцелѣние источает богáтно честнáя твоá рáка Бóжиим дýхом, и стрáсти многоврѣменные исцеляет ѓ́тче, приходящих к тебѣ, и прогóнит лукавыя дýхи лýтыя, и воздвизает вѣрныя, восхвалíти твоá свѣтлыя пóдвиги.

Яко вели́кое со́лнце нáм, вели́чием пóдвиг тво́их возсия́л еси́ и озари́л еси́ Богомýдре, вся́ земны́я концы́, ўмер прешѣ́л еси́ от свѣта к свѣту возсия́вшему. Тѣм вопи́ем ти́: просвети́ нáша помышлѣ́ния ѓ́тче преподо́бне, Варнаво.

Тѣло твоѣ́, блаже́нне, терпели́вое связáвшееся вери́гами стрáсти неисцѣ́льныя прикосновѣ́нием исцеляет, Бóгу и Спáсу т́я вельми́ прослávльшу, ѓ́тче премýдре и досточýдне Варнаво, я́ко дѣлы тво́ими до́брыми прослávльшуся, преподо́бне.

Процвѣ́л еси́ в пóстнических удо́лиях прехвáльне ѓ́тче нáш, я́ко шипок благоухáнен, и я́коже крѣ́н объюхáл еси́ со́вести вѣрных добродѣ́тельми и чудесы́. Тѣмже преподо́бне, отжени́ от нáс стрáсти смердящыя.

Богорóдичен: Просвети́ чистáя Дѣво, сѣтующее сѣрдце моѣ́ прѣсно преступлѣ́нными, и житѣ́йскими мно́гими молва́ми, не оста́ви мене́ врагóм бы́ти в рáдость, я́ко да слáвлю Т́я, и любóвию пою́ Препѣ́тая.

Свети́лен.

Процвѣ́л еси́ я́ко фѣ́никс Дави́дски ѓ́тче, и обите́ль яви́лся еси́ Дýха Пресвята́го, и сла́вна т́я вселѣ́нней показá. О нáс непрестáнно моли́, почита́ющих вѣрою пречестнóю пáмять твою́, преподо́бне, Варнаво.

Богорóдичен: Т́я пѣ́снями немóлчными ублажа́ем Дѣво, я́ко от Трѣ́ицы еди́наго родила́ еси́ Богорóдице, и но́сиши на Божѣ́ственную руку́ пребогáтое Сло́во, непременно́ и неизмѣ́нно.

На хвалíteх стихи́ры, самогласны, глас 6.

Богонóсе преблаже́нне Варнаво, всё́ плотскóе мудровáние дýху повинýл еси́, пощѣ́ния страда́ньми утверди́вся, я́ко зláто в горни́ле искуше́но сия́ яви́вся, приятелище́ был еси́ Дýха Пресвята́го. Собрав мона́шествующих мно́жества, и учѣ́нии тво́ими, я́ко нѣ́коею лѣ́ствицею восхóдною на нѣ́бо, на высотý добродѣ́телей возвѣ́л еси́. Помина́й нáс

чтущих память твою присно священную, и моли спастися душам нашим. *[Дважды.]*

Воссия днесь пресветлая и всепразднственная память твоя, преславне Варнаво, созывающи многочисленное постник сословие, и преподобных ликостояния: ангелы же с человеки яко воистинну к похвалению в Троице покланяема Христа Бога нашего. Темже притекающе ко священной раце мощей твоих, исцеления дары обильно приемлем, и тебе венчавшаго Христа прославляем, Спаса душ наших.

Богоносе преблаженне, отче Варнаво, ты пророчески слезами землю омакал еси, и не дал еси сна твоима очима, ни веждома твоима дремания: сердечное желание ко Христу являя, егоже возлюбил еси. Тем монахов образ был еси, и всякия добродетели вид исправил еси: темже ты ублажаем величающе тебе прославльшаго.

Слава, глас 2:

Преподобне отче, из младенства добродетели прилежно обучився, орган был еси Святаго Духа, и от него прием чудес действо, увещал еси человеки преобидети сладкая: ныне же Божественным светом чистейше осияваемь, просвети и наша мысли, Варнаво, отче наш.

И ныне Богородичен:

Все упование мое на Тя возлагаю, Мати Божия, сохрани мя под кровом Твоим.

Молитва преподобному Варнаве Ветлужскому

О, всеблаженне отче преподобне Варнаво, тёплый заступниче и помощниче с верою призывающим тя! Избави нас молитвами твоими ко Господу от всякаго обстояния бесовскаго. Изми нас, окаянных рабов твоих, о чудотворче Варнаво, от уст пагубнаго змия, зияющаго пожрети нас и свести во ад живых. Прости нас, отче, елико согрешихом ти, исторгни нас от греха и всякия напасти, приходящая грехов ради наших. Подаждь душам нашим утешение, всади в сердца наша страх суда Божия, избави нас от врагов наших видимых и невидимых, тебе бо имамы тёпла молитвенника и заступника, еже в бедах сущия и в грехи впавшия. Ты бо явися столп благочестия, воздержания правило, смиренномудрия образ, целомудрия наставник, убогим и сиротам заступник и хранитель, прибегающим к тебе. Кто убо по достоинству может похвалити равноангельное твоё житие и кто может исцести твоих трудов подвиги и слёзы ко Господу? Воистинну яко солнца светлейши возсия твоя исправления, ревнитель бо бысть всем святым, преподобных и праведных учитель духовный и всем, призывающим тя, молитвенник ко Пресвятей Троице. Ты, яко мира оставил еси и яже в мире, и нас приведи ко Господу молитвами твоими, отче честнейший, да и мы сподобимся вечных благих, ихже наслаждаеши: Небесныя славы, желаемого Иисуса Христа и сладчайшаго Владыки и Господа всех. Емуже подобает всякая слава, честь и поклонение, со Безначальным Его Отцем и Пресвятым и Благим и Животворящим Его Духом, ныне, и присно, и во веки веков. Аминь.